

粵雅堂叢書

粵雅堂生書

孫氏周易集解卷七

陽湖 孫星衍 淵如纂

下經豐傳第七

三三

離下
震上

豐亨

釋文豐芳忠反
字林匹忠反

集解鄭康成曰豐之言俱充滿意也釋文

王假之

釋文假庚白反
至也馬古雅反

集解馬融曰假大也釋文

勿憂宜日中

彖曰豐大也明以動故豐

王假之尙大也勿憂宜日中宜照天下也

日中則昃

釋文昃孟作稷

月盈則食

釋文食或作蝕非

集解鄭康成曰言皆有休已無常盛也公羊疏

天地盈虛與時消息而況於人乎況於鬼神乎

象曰雷電皆至豐君子以折獄致刑

初九遇其配主

釋文配鄭作妃

集解鄭康成曰嘉耦曰妃釋文

雖旬无咎往有尙

釋文旬如字王肅尙純反或音唇荀作均劉昫作鈞

集解鄭康成曰初修禮上朝四四以匹敵恩厚待之

雖畱十日不爲咎詩疏

象曰雖旬无咎過旬災也

六二豐其蔀日中見斗往得疑疾

釋文蔀音部王廙同蒲戶反王肅普苟反

鄭薛作菩見斗孟作見主

集解馬融曰蔀小也

鄭康成曰菩小席薛氏同

并釋文

陸希聲曰蔀茂盛周匝之義漢上易

有孚發若吉

象曰有孚發若信以發志也

九三豐其沛日中見沫

釋文沛本或作旃謂旛幔又普貝反王廙豐蓋反又補賴反徐

普蓋反子夏作芾鄭干作韋沫徐武蓋反又亡對反微昧之光也字林作昧亡太反云斗杓後星鄭作昧

集解子夏傳曰芾小也昧星之小者

釋文馬融曰

昧星之小者鄭康成干寶曰韋祭祀之蔽膝服

虔曰昧日中而昏也薛氏曰昧輔星也姚信曰

沛澆沛也王肅曰沫音妹并同陸希聲曰沐者

斗槃謂斗之輔星斗以象大臣槃以象家臣撮要

折其右肱无咎

釋文肱姚作股

集解鄭康成曰三艮爻艮爲手互體爲巽巽又爲進

退手而便於進退右肱也猶大臣用事於君君能誅之故无咎儀禮疏

象曰豐其沛不可大事也折其右肱終不可用也

九四豐其蔀日中見斗遇其夷主吉

象曰豐其蔀位不當也日中見斗幽不明也遇其夷主吉行也

六五來章有慶譽吉

象曰六五之吉有慶也

上六豐其屋蔀其家

按說文豐其屋字作豐云大屋也

闕其戶闐其无

人三歲不覲凶

釋文闐苦鵠反徐苦鵠反一音苦馘反姚作闐孟作室並通

集解馬融鄭康成曰闐無人貌釋文

象曰豐其屋天際翔也

釋文翔鄭王肅作祥按李鼎祚本亦作祥

集解鄭康成曰際當爲療療病也釋文

闐其戶闐其无人自藏也

釋文藏如字眾家作戕慈羊反

集解馬融王肅曰戕殘也鄭康成曰戕傷也并釋

文

三三

艮下離上

旅小亨旅貞吉

集解王肅曰旅軍旅也釋文

彖曰旅小亨柔得中乎外而順乎剛止而麗乎明是以小亨旅貞吉也旅之時義大矣哉

象曰山上有火旅君子以明慎用刑而不留獄

初六旅瑣瑣斯其所取災

釋文瑣瑣或作瑣字者非也

集解馬融曰瑣瑣疲弊貌釋文

鄭康成曰瑣瑣猶

小小也爻互體艮艮小石小小之象三爲聘客初與二其介也介當以篤實之人爲之而用小人瑣瑣然客主人爲言不能辭曰非禮不能對曰非禮每者不

能以禮行之則其所以得罪儀禮疏 王肅曰瑣瑣

細小貌釋文

象曰旅瑣志窮災也

六二旅卽次懷其資得童僕貞

釋文懷其資本或作懷其資斧非

象曰得童僕貞終无尤也

九三旅焚其次喪其童僕貞厲

象曰旅焚其次亦以傷矣以旅與下其義喪也

九四旅于處得其資斧我心不快

釋文資斧子夏傳及眾家並作齊斧虞喜

志林云齊當作齋齋戒入廟而受斧

集解張軌曰齊斧蓋黃鉞斧也釋文 張晏曰齊整

齊也 應劭曰齊利也并同

象曰旅于處未得位也得其資斧心未快也

六五射雉一矢亡終以譽命

象曰終以譽命上逮也

釋文逮音代一音大計反

上九鳥焚其巢旅人先笑後號咷喪牛于易凶

釋文于易以豉

反王肅音亦

象曰以旅在上其義焚也

釋文其義焚也一本作宜其焚也

集解馬融曰義宜也釋文

喪牛于易終莫之聞也

釋文喪牛之凶本亦作喪牛于易

三三

巽下巽上

巽小亨

按說文易巽卦爲長女爲風字作巽

利有攸往利見大人

彖曰重巽以申命

剛巽乎中正而志行柔皆順乎剛是以小亨

集解褚氏曰夫獻可替否其道乃宏柔皆順剛非大

通之道所以文王係小亨之辭孔子致皆順之釋疏

利有攸往利見大人

象曰隨風巽君子以申命行事

初六進退利武人之貞

象曰進退志疑也利武人之貞志治也

九二巽在牀下用史巫紛若吉无咎

象曰紛若之吉得中也

九三頻巽吝

象曰頻巽之吝志窮也

六四悔亡田獲三品

象曰田獲三品有功也

九五貞吉悔亡无不利无初有終先庚三日後庚三日

吉

象曰九五之吉位正中也

上九巽在牀下喪其資斧貞凶

象曰巽在牀下上窮也喪其資斧正乎凶也

三三

兌下兌上

兌亨利貞

彖曰兌說也剛中而柔外說以利貞是以順乎天而應

乎人說以先民民忘其勞

釋文先西薦反又如字

說以犯難民忘

其死說之大民勸矣哉

彖曰麗澤兌君子以朋友講習

釋文麗鄭作離

集解鄭衆曰樂耽於酒則有沈酗之凶志累於樂則有傷性之患所以君子樂之美者莫過於尙詩書敦習道義教之盛矣樂在斯焉口訣義 鄭康成曰離猶併也釋文 先儒云同處師門曰朋共執一志曰友友猶黨也口訣義

初九和兌吉

象曰和兌之吉行未疑也

九二孚兌吉悔亡

象曰孚兌之吉信志也

六三來兌凶

象曰來兌之凶位不當也

九四商兌未寧介疾有喜

集解馬融曰介大也 鄭康成曰商隱度也并釋文

象曰九四之喜有慶也

九五孚于剝有厲

象曰孚于剝位正當也

上六引兌

象曰上六引兌未光也

三三 坎下 巽上

渙亨王假有廟

釋文假庚白反 梁武帝音賈

利涉大川利貞

彖曰渙亨剛來而不窮柔得位乎外而上同

釋文上如字又時掌

反

集解先儒云剛來不窮釋亨德柔得位乎外釋利貞

疏

王假有廟王乃在中也

利涉大川乘木有功也